


Adrodd i	Awdurdod Tân ac Achub Gogledd Cymru	
Dyddiad	20 Ebrill 2026	
Swyddog Arweiniol	Anthony Jones, Prif Swyddog Tân Cynorthwyol	
Swyddog Cyswllt	Mike Plant - Pennaeth Cynllunio, Perfformiad a Thrawsnewid	
Pwnc	Cynllun Gweithredu Rheoli Risg Cymunedol 2026/27	

PWRPAS YR ADRODDIAD

- 1 Rhoi trosolwg o'r adborth a gafwyd o'r ymgynghoriad cyhoeddus ar Gynllun Gweithredu Rheoli Risg Cymunedol 2026-2027 a'r Aseiad o'r Effaith ar Gydraddoldeb cysylltiedig, a cheisio cymeradwyaeth i'r fersiwn derfynol o'r dogfennau uchod.

CRYNODEB GWEITHREDOL

- 2 O dan Fframwaith Cenedlaethol Tân ac Achub Llywodraeth Cymru 2016, un o'r prif amcanion ar gyfer Gwasanaethau Tân ac Achub yng Nghymru yw mynd ati'n barhaus ac mewn modd cynaliadwy i leihau risg a gwella diogelwch dinasyddion a chymunedau.
- 3 Yn unol â gofynion Mesur Llywodraeth Leol (Cymru) 2009, rhaid i Awdurdod Tân ac Achub Gogledd Cymru (yr Awdurdod) wneud trefniadau i wella'n barhaus wrth arfer ei swyddogaethau, drwy osod amcanion gwella iddo'i hun ym mhob blwyddyn ariannol yn erbyn o leiaf un o saith swyddogaeth. Mae'n rhaid ymgynghori â'r cyhoedd ynghylch yr amcanion hyn.
- 4 Mae'n ofyniad statudol o dan Ddeddf Llesiant Cenedlaethau'r Dyfodol (Cymru) 2015 i Gyrrff Cyhoeddus gyhoeddi amcanion llesiant blynyddol ac adrodd yn flynyddol ar eu cynnydd tuag at gyflawni eu hamcanion llesiant.
- 5 Mae Cylchlythyr Tân ac Achub Llywodraeth Cymru W-FRSC(2024)06 yn cadarnhau y gellir cyflawni'r dyletswyddau o dan Fesur 2009 a Deddf Llesiant Cenedlaethau'r Dyfodol (Cymru) 2015 drwy gyhoeddi un adroddiad.

- 6 Dyma'r trydydd Cynllun Gweithredu Rheoli Risg Cymunedol (CRMIP), a ddatblygwyd i gefnogi'r gwaith o gyflawni Cynllun Rheoli Risg Cymunedol (CRMP) yr Awdurdod 2024-2029. Nod y Cynllun Rheoli Risg Cymunedol yw nodi risgiau sy'n wynebu'r gymuned ac mae'n disgrifio sut y bydd yr Awdurdod yn rheoli'r risgiau hynny ac yn parhau i atal tanau ac argyfyngau eraill ac ymateb iddynt. Ysgrifennwyd yr amcanion i ystyried gofynion y ddau ddarn o ddeddfwriaeth y cyfeiriwyd atynt uchod.
- 7 Dangosodd y lefelau ymateb gynnydd o 42% (397 eleni o 279) ers ymgynghoriad cyhoeddus 2025-26, er bod yr ymatebion y crybwyllwyd eu bod gan aelodau staff yn isel o hyd.
- 8 Roedd y gefnogaeth ar gyfer yr amcanion gwella a llesiant arfaethedig yn gyson uchel ar draws pob un o'r pum egwyddor ar gyfer cadw cymunedau'n ddiogel, gan amrywio rhwng 93% a 97%.
- 9 Rhannwyd sylwadau gair am air gan ymatebwyr i'r ymgynghoriad gyda'r Penaethiaid Adran perthnasol, neu'r arbenigwr pwnc, i'w hadolygu ac i ystyried pa effaith, os o gwbl, a gaiff yr adborth ar eu hamcanion arfaethedig ar gyfer 2026-27.
- 10 Nid oes unrhyw newidiadau arfaethedig i unrhyw un o'r amcanion o ganlyniad i'r ymgynghoriad cyhoeddus.
- 11 Mae undebau llafur wedi bod yn ymwneud â datblygu'r amcanion llesiant fel rhan o'r Ddyletswydd Partneriaeth Gymdeithasol ac yn y Cydbwyllgor Ymgynghori a Negodi ym mis Chwefror 2026 cytunodd cynrychiolwyr yr Undebau Llafur a oedd yn bresennol fod consensws wedi'i gyrraedd ar yr amcanion.

SYLWADAU GAN Y PANEL GWEITHREDOL

- 12 Cyflwynwyd y Cynllun Rheoli Risg Cymunedol 2026/27 i'r Panel Gweithredol ar 16 Mawrth 2026 lle cymeradwyodd yr Aelodau ef i'w gyhoeddi.

ARGYMHELLIAD

- 13 Argymhellir bod yr Aelodau yn:
 - i) **Nodi cynnwys yr adroddiad Ymgynghori; a**
 - ii) **Cymeradwyo Cynllun Gweithredu Rheoli Risg Cymunedol 2026–27 sydd wedi'i atodi a'r Asesiad o'r Effaith ar Gydraddoldeb cysylltiedig i'w cyhoeddi.**

CEFNDIR

- 14 Bydd yr Awdurdod yn sôn am ei gynnydd yn erbyn amcanion Cynllun Rheoli Risg Cymunedol 2026-27 yn ei Asesiad Perfformiad Blynyddol yn Hydref 2027.

GWYBODAETH

- 14 Agorwyd yr ymgynghoriad ar gyfer ymatebion rhwng 23 Hydref ac 16 Rhagfyr 2025. Cynhaliodd y Gwasanaeth ymarferiad sicrhau ansawdd data ar y data Cydraddoldeb, Amrywiaeth a Chynhwysiant (EDI) oedd ar gael i sicrhau bod y ffigurau a ddyfynnwyd yn gywir. Fe wnaeth hyn ohirio rhyddhau'r ymgynghoriad o ddau ddiwrnod.
- 15 Cyhoeddwyd y Cynllun Gweithredu Rheoli Risg Cymunedol drafft 2026-27, a Fersiwn Hawdd ei Ddarllen, yn Gymraeg a Saesneg, ar wefan Gwasanaeth Tân ac Achub Gogledd Cymru (y Gwasanaeth). Cyhoeddwyd hefyd Asesiad o Effaith y Cynllun ar Gydraddoldeb.
- 16 Cafodd ymatebwyr wahoddiad i lenwi holiadur i ddweud a oeddent yn cytuno y byddai'r amcanion arfaethedig yn cyflawni yn erbyn 'Ein Pum Egwyddor ar gyfer cadw cymunedau'n ddiogel' ai peidio. Gwahoddwyd yr ymatebwyr i ychwanegu sylwadau i gefnogi eu barn.
- 17 Cyhoeddwyd yr ymgynghoriad ar-lein, yn fewnol ar fewnwyd y Gwasanaeth, Hwb Tân, ar gyfryngau cymdeithasol a thrwy hysbysebion y talwyd amdanynt yn y wasg ysgrifenedig.
- 18 Argraffwyd taflenni dwyieithog gyda Chod QR arnynt, gan hwyluso mynediad uniongyrchol a hawdd i holiadur yr arolwg ar-lein, ac fe'u dosbarthwyd yn ystod ymweliadau Archwiliadau Diogel ac Iach ac mewn digwyddiadau ymgysylltu.
- 19 Crëwyd cyfeiriad e-bost dwyieithog pwrpasol i hwyluso ceisiadau am wybodaeth ychwanegol neu holiaduron mewn copi caled. Crëwyd rhif ffôn symudol pwrpasol i ymateb i unrhyw ymholiadau na ellid eu cyflwyno drwy e-bost.
- 20 Anfonwyd llythyrau, yn enw'r Cadeirydd, at bawb ar y Gofrestr Rhanddeiliaid yn eu gwahodd i gymryd rhan.
- 21 Trefnodd y Swyddog Cydraddoldeb, Amrywiaeth a Chynhwysiant ddigwyddiadau ymgysylltu wyneb yn wyneb penodol gyda gwahanol grwpiau diddordeb o ran cydraddoldeb.
- 22 Gellir gweld y sylwadau gair am air yn atodiadau Adroddiad yr Ymgynghoriad.

GOBLYGIADAU

Amcanion Llesiant	Mae Cynllun Gweithredu Rheoli Risg Cymunedol 2026/27 yn cynnwys datganiad Llesiant fel sy'n ofynnol gan y Ddeddf
Cyllideb	Amherthnasol
Cyfreithiol	Paratowyd Cynllun Gweithredu Rheoli Risg Cymunedol 2026/27 yn unol â'r ddeddfwriaeth berthnasol.
Staffio	Dim
Cydraddoldeb/Hawliau Dynol/Y Gymraeg	Mae Asesiad o'r Effaith ar Gydraddoldeb wedi'i baratoi a'i ddiweddarau yn dilyn yr ymgynghoriad cyhoeddus.
Risgiau	Mae'r Cynllun Rheoli Risg Cymunedol yn cefnogi trefniadau rheoli risg yr Awdurdod.